

Apeironu priznanje od Specijalne olimpijade BiH

Izvršna direktorica Specijalne olimpijade BiH Kada Delić, u ime uspješne saradnje i povodom Dana Panevropskog univerziteta "Apeiron" uručila je priznanje rektoru, akademiku Esadu Jakupoviću.

"Samo godinu dana nakon što smo potpisali Sporazum o saradnji sa Panevropskim univerzitetom, ova visokoškolska ustanova postala je pravi primjer uzajamnog prepoznavanja i priznavanja naših aktivnosti. Pripreme za Dane inkluzivnog sporta su u toku, a kao i do sada nosilac je Fakultet sportskih nauka. Ove godine pored sportskih takmičenja biće organizovan jednodnevni seminar za sportski trening osoba sa invaliditetom", naglasila je doc.dr Kada Delić.

Docentica Delić dodala je da je Apeiron pozitivan primjer i uključivanjem u nastavni kurikulum I i II ciklusa studija predmeta Sport i rekreacija lica sa posebnim potrebama. Ističe da se pored edukacije studenata na vrlo sistematičan način organizuje i dijagnostika antropometrijskih karakteristika i sposobnosti sportista i da je to takođe značajan iskorak u poboljšanju sporta u okviru Specijalne olimpijade BiH.

Specijalna olimpijada Bosne i Hercegovine ove godine slavi 20 godina postojanja, a Svjetska Specijalna olimpijada 50 godina uspješnog rada.

Rektor Jakupović kazao je da je saradnja Apeirona i Specijalne olimpijade BiH dobar primjer saradnje struke i nauke i da je siguran da će se u bliskoj budućnosti realizovati dobri zajednički projekti.